

Langanesbyggð
Gunnólfur Lárusson,
sveitarstjóri
Fjarðarvegi 3
680 Þórshöfn



UMHVERFISSTOFNUN

Reykjavík, 19. apríl 2013
Tilvísun: UST20130200254/ksj

Skipulags- og matslýsing. Tillaga að deiliskipulagi fyrir urðunarsvæði við Bakkafjörð.

Vísað er til erindis Gunnólfs Lárussonar sveitarstjóra Langanesbyggðar er barst 28. febrúar sl. þar sem óskað er umsagnar Umhverfisstofnunar um skipulags- og matslýsingu vegna tillögu að deiliskipulagi fyrir urðunarsvæði við Bakkafjörð.

Langanesbyggð gerir ráð fyrir að á deiliskipulagssvæðinu verði áframhaldandi rekstur urðunar-, námu- og geymslusvæðis, þ.m.t. að urða áfram allt að 200 tonn af blönduðum heimilisúrgangi á ári á svæðinu. Í greinargerð lýsingar kemur fram að áætlun er um að urðunarsvæðið dugi til 2028 og áætlað heildarmagn urðaðs úrgangs gæti orðið allt að 3200 tonn á tímabilinu. Í greinargerð kemur fram að vinnan við gerð skipulagstillögunnar er gerð með fyrirvara um staðfestingu og gildistöku aðalskipulags Langanesbyggðar 2007 – 2027. Umhverfisstofnun tekur undir það og ítrekar að það er forsenda fyrir starfsleyfi að það sé í samræmi við gildandi aðalskipulag sveitarfélagsins.

Staðhættir

Áætlað er að deiliskipuleggja 3,75 ha svæði norðaustan þéttbýlisins á Bakkafirði. Þar af er urðunarsvæðið 1,18 ha og frágengið urðunarsvæði 0,18 ha. Fram kemur í greinargerð að fjarlægð urðunarstaðarins frá þéttbýlinu er um 550 m.

Efnistaka

Malarnáma á svæðinu er deiliskipulagstillagan nær yfir hefur verið í notkun í um 20 ár. Áætlað er að hægt sé að nýta alls 20 – 14 þúsund rúmmetra frá námunni og gæti svæðið dugað í a.m.k. 20 ár.

Í umfjöllun um forsendur og viðfangsefni skipulagsins kemur fram að gerð verði grein fyrir staðsetningu og afmörkun urðunar-, námu- og geymslusvæðis og sett fram tillaga um afmörkun, aðkomu, og umferð innan þess. Umhverfisstofnun gerir ekki athugasemdir við ofangreinda lýsingu.

Virðingarfyllst

Kristín S. Jónsdóttir
Kristín S Jónsdóttir
Sérfræðingur

Björn Stefánsson
Björn Stefánsson
Sérfræðingur

Skipulagsstofnun

